

## **PRAVILA NAGRADNE IGRE - „BCC Sarajevo rođendan slavi, daruje vrijedne i čudesne stvari!“**

Na osnovu Zakona o igrama na sreću, Službeni list FBiH br. 48/15 i 60/15, i pravilnika o sadržaju pravila, uslovima i načinu priređivanja nagradnih igara Službeni list FBiH 30/16, Via Media d.o.o. Sarajevo donosi:

### **PRAVILA NAGRADNE IGRE “BCC Sarajevo rođendan slavi, daruje vrijedne i čudesne stvari!”**

#### **1. ORGANIZATOR**

Nagradnu igru “BCC Sarajevo rođendan slavi, daruje vrijedne i čudesne stvari!” organizira i provodi Organizator - Via Media d.o.o. Sarajevo, sa sjedištem: Vrbaska 1, 71 000 Sarajevo, Bosna i Hercegovina (u daljem tekstu Organizator), PDV broj: 200107540001, ID: 4200107540001, za Klijenta (u daljem tekstu Klijent) - Bingo d.o.o.

#### **2. PODRUČJE ORGANIZIRANJA I PROVOĐENJA NAGRADNE IGRE**

Nagradna igra se organizira i provodi na području Federacije Bosne i Hercegovine.

#### **3. KONCEPT, TRAJANJE, NAČIN SUDJELOVANJA I ODABIR DOBITNIKA NAGRADNE IGRE**

##### **3.1. KONCEPT NAGRADNE IGRE**

Nagradna igra se zasniva na takmičenju građana, koji ispunjavaju osnovne uvjete propisane ovim pravilima, na teritoriji Federacije BiH. Učešće u nagradnoj igri se ostvaruje kupovinom u bilo kojoj prodavnici u sklopu Bingo City Centra Sarajevo. Svaki učesnik ima pravo učešća neograničen broj puta, sa različitim računima za obavljenu kupovinu, a nagradu može osvojiti isključivo jednom.

##### **3.2. TRAJANJE NAGRADNE IGRE**

Cjelokupan period trajanja nagradne igre traje od 03.10. do 31.10.2022. godine, prema sljedećem rasporedu:

- Početak nagradne igre: 03.10.2022.
- Period mogućnosti sudjelovanja i ubacivanja računa u za to predviđenu kutiju od 03.10.2022. do momenta izvlačenja posljednjeg kruga nagrada 31.10.2022.
- Proglašenje dobitnika svake od nagrada: svaki ponedjeljak počevši od 10.10.2022. zaključno sa 31.10.2022.

##### **3.3. NAČIN SUDJELOVANJA U NAGRADNOJ IGRI**

Za sudjelovanje u Nagradnoj igri sudionici moraju, tokom trajanja Nagradne igre, u bilo kojoj prodavnici u sklopu Bingo City Centra obaviti kupovinu u iznosu 50,00 KM ili više i sačuvati račun. Nakon toga je potrebno na poleđini računa upisati lične podatke (ime, prezime, adresa, grad, broj telefona). Račun je potrebno ubaciti u za to predviđenu kutiju koja se nalazi u Bingo City Centru. Ukoliko sudionik nije upisao podatke na poleđinu računa izvlači se drugi račun. Nakon izvlačenja dobitnik će biti evidentiran i obaviješten o nagradi koju je osvojio i načinu preuzimanja iste. Isti sudionik može sudjelovati u Nagradnoj igri s neograničenim brojem prijava, ali uz različite račune.

U izvlačenju dobitnika Nagradne igre sudjeluju svi ubačeni računi od 03.10.2022. do momenta izvlačenja posljednjeg kruga nagrada 31.10.2022. u 12:00 sati.

##### **3.4. ODABIR DOBITNIKA**

U obzir za odabir dobitnika ulaze samo sudionici koji su ispunili kriterije iz tačke 3.3 ovih Pravila. Rezultati izvlačenja bit će objavljeni nakon završetka svakog kruga nagradne igre na web sajtu <https://sarajevo.bingocitycenter.ba/> kao i na oficijelnoj Facebook i Instagram stranici Bingo City Centra Sarajevo.

Izvlačenja sedmičnih nagrada (svaka od nagrada iz nagradnog fonda po jednom) održat će se (4 dobitnika sedmično):

Prva sedmica: 10.10.2022., 18:00h.  
Druga sedmica: 17.10.2022., 18:00h.  
Treća sedmica: 24.10.2022., 18:00h.  
Četvrta sedmica: 31.10.2022., 12:00h.

Izvlačenja dobitnika izvršit će se nasumičnim izvlačenjem iz kutije uz prisutnost tročlane komisije te će se o izvlačenju voditi zapisnik. Lokacija izvlačenja dobitnika je u Bingo City Centru u Sarajevu, Džemala Bijedića 160, Novi Grad, Sarajevo. Računi ubačeni u kutiju nakon posljednjeg izvlačenja 31.10.2022. u 12:00h nemaju pravo na učešće u nagradnoj igri. Priređivač ne snosi odgovornost za eventualne nejasnoće i nečitkost na poleđini računa s kojih sudionik pokušava napraviti prijavu, te se u tom slučaju izvlači drugi račun. U slučaju da izvučena prijava ne sadrži sve podatke iz članka 3.3. ovih Pravila ili da sadrži pogrešne i nerazumljive podatke, smatrat će se nevažećom te će biti izvučena druga prijava.

Rezultati Nagradne igre su konačni, bez mogućnosti žalbe.

#### 4. PRAVO NA UČEŠĆE

U nagradnoj igri mogu učestvovati svi kupci Bingo City Centra u Sarajevu koji su fizička lica starija od 18. godina sa prebivalištem na području Federacije Bosne i Hercegovine, koji u periodu od 03.10. do 31.10.2022. izvrše kupovinu u vrijednosti od 50,00 KM ili više u bilo kojoj prodavnici u Bingo City Centru, i ubace račun u za to predviđenu kutiju. Pravo na učešće nemaju lica zaposlena kod Organizatora ili Klijenta, niti lica koja direktno učestvuju u ovoj nagradnoj igri, kod neovisnih partnera, u reklamnim agencijama uključenim u ovu promociju, kao i najbliži članovi porodice bilo koje od navedenih osoba.

Dobitnik nagrade pružit će sve informacije i dokumente potrebne za primjenu Pravila i ostalih odgovarajućih zakona.

Kao učesnik nagradne igre prihvatate da u slučaju otkrivenih nepravilnosti ili netačnosti podataka koji su prijavljeni, Organizator i Klijent zadržavaju pravo da sudionicima oduzmu nagradu, te da traže nadoknadu materijalne štete nastale tim postupkom

#### 5. SVRHA ORGANIZIRANJA NAGRADNE IGRE

Svrha organiziranja nagradne igre jeste obilježavanje drugog rođendana Bingo City Centra u Sarajevu.

#### 6. NAGRADNI FOND

Nagrada	Količina	Ukupna vrijednost (sa PDV-om) KM
Apple iPhone 13 256GB Midnight	4 kom	7396,40 KM
5 PlayStation 5 B Chassis + Horizon Forbidden West PS5 + Gran Turismo Sport PS5	4 kom	5996 KM
oneS T10 1000W crni romobil	4 kom	7108 KM
Vačuer za kupovinu u Bingo marketu u Bingo City Centru	4 kom	4000 KM

Ukupni nagradni fond za ovu nagradnu igru iznosi KM (sa PDV-om) 24500,40 KM.

Nije moguće mijenjati osvojenu nagradu za drugu vrstu nagrade. Nije moguće prenositi osvojenu nagradu na treća lica. Broj nagrada je ograničen i ni u kojem slučaju neće biti dodijeljeno više nagrada nego što je predviđeno ovim Pravilima.

#### 7. OBJAVA PRAVILA

Ova pravila će biti objavljena u najmanje jednim dnevnim novinama na području Federacije BiH po dobijanju saglasnosti Federalnog Ministarstva finansija i na web stranici Klijenta <https://sarajevo.bingocitycenter.ba/>

## 8. OBAVJEŠTAVANJE DOBITNIKA I URUČENJE NAGRADA

Imena dobitnika će biti objavljena na web stranici Klijenta. Uslovi navedeni u članu 3 i 4. ovog pravilnika moraju biti ispunjeni od strane učesnika koji moraju biti saglasni sa Pravilima i uslovima učestvovanja u nagradnoj igri „BCC Sarajevo rođendan slavi, daruje vrijedne i čudesne stvari! “. Dobitnici će biti obavješteni o prijemu nagrade telefonskim putem na broj koji je naveden na poledini dobitnog računa, i to u roku od pet dana od dana odabira.

Dobitnik je dužan da čitko napiše potrebne podatke na poledini računa za potrebe kontaktiranja i preuzimanja nagrade (ime, prezime, adresu, grad, broj telefona).

Organizator zadržava pravo da ne dodijeli nagradu ukoliko:

- dobitnik ne ispunjava uslove za preuzimanje nagrade ukoliko je:
- naveo nepotpune ili nepravilne podatke,
- ukoliko ne može biti obavješten,
- ukoliko se utvrdi da nije ispunio sve uslove za učestvovanje u nagradnoj igri ili se utvrdi da su ovi uslovi prekršeni
- ukoliko ne želi da ispuni obaveze u skladu sa uslovima,
- Ukoliko se pojavi sumnja u istinitost ličnih podataka,
- Ukoliko se dokaže da je korisnik učestvovao u nagradnoj igri suprotno Pravilima i uslovima Nagradne igre
- u drugim slučajevima kada dodjela nagrade nije bila moguća ili zakonita.

Nagradu nije moguće prenositi na drugo lice. Porez na dohodak, koji se obračunava na osnovu tržišne vrijednosti nagrade, plaća Organizator nagradne igre.

Ako dobitnik ne ispunjava uslove za preuzimanje nagrade definisane ovim pravilima, odnosno odustane od preuzimanja nagrade ili istu ne preuzme u roku određenom od strane Organizatora, Organizator i Klijent oslobađaju se svih obaveza prema dobitniku.

## 9. ISKLJUČENJE ODGOVORNOSTI

Organizator ne preuzima nikakvu odgovornost za:

- slučaj nečitko upisanih podataka.
- bilo kakve posljedice koje učesnici mogu pretrpjeti zbog učestvovanja u nagradnoj igri na koje Organizator i Klijent nemaju uticaja i/ili
- bilo kakve posljedice kod korištenja nagrade.

## 10. RJEŠAVANJE SPOROVA

Svi eventualni sporovi između Organizatora i učesnika u ovoj nagradnoj igri će se rješavati sporazumno, a u slučaju da se nastali spor ne može riješiti sporazumno, određuje se nadležnost suda u Sarajevu.

## 11. OTKAZIVANJE

Organizator ima pravo da jednostrano otkáže nagradnu igru u bilo kojoj fazi, uz obavještenje ukoliko bi došlo do materijalne povrede ili zloupotrebe Pravila ili događaja koji imaju karakter više sile. Ukoliko bi nastala neka od navedenih okolnosti, izvlačenje i distribucija nagrada će biti odmah obustavljeni jednostranom odlukom Organizatora, neovisno o potrebi za njenim eventualnim objavljivanjem. U tom slučaju neće se nadoknaditi troškovi, direktna ili indirektna šteta učesnicima u nagradnoj igri, niti će se nagradna igra održati. Opoziv nagradne igre se objavljuje u istim dnevnim novinama u kojima je nagradna igra objavljena.

## 12. OSTALE ODREDBE

Organizator neće uvažiti zakašnjele, nepotpune ili pogrešno ispunjene prijave za nagradnu igru. Odluke Organizatora nagradne igre, za sva pitanja vezana uz nagradnu igru, su konačne i vrijede za sve učesnike.

Organizator nagradne igre zadržava pravo izmjena ovih pravila ako to zahtijevaju pravni, tehnički ili komercijalni razlozi. O svim eventualnim promjenama pravila učesnici će biti obaviješteni objavom na web stranici Klijenta.

Nastavak učestvovanja u nagradnoj igri nakon objave eventualnih promjena pravila znači da učesnik prihvata i slaže se s promjenama.

## 14. ZVANIČNA PRAVILA NAGRADNE IGRE

Učešćem u nagradnoj igri učesnici prihvataju navedena zvanična pravila.

Odluke Organizatora donesene prema Pravilima o provođenju nagradne igre konačne su i obavezujuće za sve učesnike.

Datum: 22.09.2022. godine

Broj protokola:13-I/22

Rješenje Federalnog ministarstva finansija broj:  
Sarajevo,.2022.